



## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De ignorantia, quàm perniciosa est, & vnde oritur: ac de otioso, desidioso,  
& de macula animæ. Cap. II.

**urn:nbn:de:hbz:466:1-37362**

facta quadam corporali transmutatione, ligant usum rationis. Et quod hæc contingent ex passionibus, pater ex hoc, quod aliquando passiones scilicet amoris, iræ, tristitia, & similiis in tantum intenduntur, quod homo totaliter usum rationis amittit, & in insania veritur. Cum igitur iudicium rationis sequitur passionem appetitus sensitui, consequens est, ut etiam motus voluntatis, quinatus est sequi iudicium rationis, sequatur etiam passionem appetitus sensitui, sicut legitur apud Danielem de iudicibus inuenientibus dierum malorum: *Concupiscentia subuertit cor tuum.* Cui propriè cōuenit illud Proverb. cap. ii. *Circulus aureus in naribus suis, multe, id est, anima pulchra, conditio naturæ, & farua, perpetuatione culpa.* Et talis anima & sua comparantur: quia sicut sus naribus suis nullam insimunditiam preterit intactam; sic diabolus in ea nullum peccatum relinquit intactum, cogitatione, delectatione, consensu, verbo, vel opere. Tertiò denique, peccatum contingit ex defectu voluntatis, quæ est inordinatio ipsius, cum scilicet minus bonum ad eum diligit, quod maius bonum contemnit. Vnde inordinatus amor sui, includens in se inordinatum appetitum boni, est causa omnis peccati. Et talis dicitur ex malitia peccare, id est, ex electione mali, non ex habitu vitiioso, qui illum compellat, & ex præcōnceptu quodammodo cogat, sed ex spontanea quadam electione mali; quia non est timor Dei ante oculos eius, nec peccata ponderat, sed quasi vilipendit. Cui dicitur in Psalmo: *Dilexisti malitiam super beatitudinem, &c.* Et sic accipitur hæc malitia pro quadam prauitate voluntatis ad malum.

*De ignorantia, quam permicioſa es, & vnde oritur: ac de otioso, deficioſo, & de macula anima. Cap. II.*

Anima  
pulchritu-  
do quid sit.

**S**i ignoras te o pulchra inter mulieres, egredere, & abi post vestigia regum. Cant. i. Quasi diceret sponsus: O sponsa, cupis pastum & quietem, alioqui times discessum & evagationem. Sed si ignoras te, id est, tuam nobilitatem, cum quaris ubi habitem, quia apud te habito per gratiæ infusionem, & Eucharistia communione. Siquidem deliciotum est mihi esse cum filiis hominum, cum sis pulcherrima omnium creaturarum. Pulchra quidem, peccata deferendo; pulchrior, mundum contemnendo; pulcherrima, mihi amoro se adhaerendo. Pulchra, per honestam conuerlationem; pulchrior, per conscientiæ purificationem; pulcherrima, per celestium

## LIBRI PRIMI PARS II.

Et  
do  
m  
er  
en  
qui  
scie  
m  
rb.  
on  
fus  
te  
m,  
ue,  
us,  
re  
pe  
ire,  
lat,  
ua  
ata  
ali  
ra  
de  
post  
fa,  
ua  
im  
&  
um  
bra  
ul  
la  
per  
im

celestium contemplationem & amorem. *Si ergo ignoras te*, id est tuam laboriosissimam acquisitionem, diligentissimam conseruationem, & preciosissimam redemptionem, eo quod aduersis probaris, non refutaris. *Si ignoras te*, per praesentem tribulationem magis in bonū promoueri, & te mihi fortius coniungi, *egredere*, id est, egredieris & abibis, primò à secreto mentis, ad vitia carnis; sicut filius prodigus: à 50. *Lucæ 15.* litudine claustralī, ad tumultum seculi; sicut egressa est Dina filia Iacob: & à quiete contemplationis, ad tumultum occupationis; sicut *Se-mi* egressus est Hierusalem. Nam in quolibet istorum amittit homo *3. Reg. 2.* sui cognitionem. Egressus ergo post vestigia gregum, id est, post multitudinem bestialium monstorum tuorum. Quid est autem hæc egressio, nisi amoris sui pernicioſa quædam immutatio, & auerſio ab incomparabili bono ad bonum commutabile? De qua dicit Psalmista: *Ecce, qui elongant se à te, peribunt.* Nam elongatio prima à suo Creatore, est plus diligere creaturam, quam Creatorem, licet actualiter eadem creatura non abutatur, sicut cum quis habet animum ita dispositum, quod potius velle transgredi aliquid Dei præceptum, quam sustinere aliquod notabile dampnum, incommodum, opprobrium, & sic de alijs: *Vel, ut econtra consequeretur aliquod notabile lucrum, cōmodum, honorem, &c.* Vnde dicit Glosa Brixien. de Pœnit. dist. 1. in paragrapho, Nunquid Cain, super illo: *Et sc̄ient omnes Ecclesia, quoniam ego scrutator sum rerum, & cordiū: Dominus, inquit, inspicit voluntatem, antequam producatur ad actum, tam bonam, ut eam coronet; quam malā, ut eam damnet.* Quid autē est malitia, vel malignitas, nisi mala voluntas? Nam malitia est, secundum Ambrosium, *Malitia mentis & animi depravatio*, à trahite veritatis deuia. Et Richardus quid sit, super illud Apostoli: *Non in fermento malitiae;* dicit, quod malitia est *1. Cor. 5.* ex proposito, & deliberatione malo cognito prono animo consentire, quamvis necdum prodeat in effectum. Et quia omne peccatum obtemperacionem inducit, merito dicit. *Si ignoras te* Sic adolescens audiens de obseruatione mandatorū, & seipsum ignorans, fiducialiter respondit: *Hec omnia seruui à iuuente mea.* Sed audiens: *Vade, & vende omnia, tristis abiit, quia terrena nimis amans, relinquare noluit; potius a Christo, quam ab eis eligens separari.* Captus enim inordinato amore, quamvis Dominica præcepta, quantum ad exteriorē actum, adimplere videbatur, non tamē intētione debita, quæ semper est ad seipsum incuria in Dei seruitio, proprio lucro tanquam mercenarius semper

P intendens

intendens: imò plerumque mercedem iniquitatis exoptat, scilicet fā-  
tuorem, laudem, complacentiam, & similia, ignoranter, vel inaduer-  
tenter à Deo reprobus, & auersus. Vnde quia transgressionem actualē  
non incidit, omnia sibi salua suspicatur, quousque Hierusalem seru-  
tabitur *in lucernis*. Et inueniuntur nonnulli Babylonij, qui ciues Hi-  
erusalem fore putabantur, dicente Domino: *Cum accepero tempus, ego*

*injustias iudicabo.* Quid ergo fieri de seruo otioso? cùm Augustinus lib.  
de vita Christiana dicat, quòd non solum à Christiano requiritur, vt  
malo careat, sed vt bona exerceat, tam opere, quam voluntate; & re-  
cta intentione. Quòd si nihil mali fecerit, nectamen aliquid boni ege-  
rit, ad æternæ vite præmia non admittitur, sed gehenna ignibus man-  
cipatur. Nec enim arbor viriditatē retinet, nisi pariter supercrescat: nec  
animæ vitam homo retinet, nisi in bonis operibus, & exercitijs profi-  
ciat. Insuper exiguit facere fructum bonum, alioqui exciderit, & in igne  
mittetur. Fructus bonus est bonum opus, ex conscientia pura, charitate  
formata, voluntate libera, fide non ficta, intentione recta. O lignum  
aridum, & infructuosum, æternis ignibus deputatum, quod excidi iu-  
betur, ne terram occupet. *Urimam*, inquit, *calidus es, aut frigidus: sed*  
*quis a tepidus es, & nec calidus, nec frigidus, incipiam te euomere de ore*  
*meo.* Super quo verbo dicit Gregorius in Pastoralibus: Calidus est, qui  
bona studia & arripit & consummat. Frigidus vero, qui consummā-  
da non inchoat. Et sicut à frigore per tempore transitur ad calorem:  
ita à calore per tempore redditur ad frigus. Et sequitur: Et sicut ante  
tempore frigus est sub spe, sic post frigus tempore est in desperatione. Qui  
enim adhuc in peccatis est, conuersioñis fiduciam nō amittit: Qui ve-  
rò post conuerzionem repuit, eriam spem, quæ esse potuit de peccato-  
re, subtraxit. Hinc illud Luca: *Gaudium est Angelis super uno peccato-*  
*repentientiam agente, quam super non aginta nouem iustis, qui non indiget*  
*pénitentia.* Gregorius exponit de iustis, qui se gerunt desidiosè, & de  
peccatore ad pénitentiā feruente. Omnis enim desidiosus cuilibet  
commutabilis bono faciliter inordinatè per affectum inharet. Vnde de  
Cōfessat. dist. 5. can. Nunquā de manutua, super illo: In desiderijs est  
omnis otiosus, dicit Glossa:

*Queritur Aegyptius quare sit factus adulter,*  
*In promptu causa est, desidiosus erat.*

Hæc autem inordinata adhæsio detur patet & ream facit animam, ac  
per consequens Deo reddit detestabilem. Pro quo notandum, quòd ma-  
cula

tula propriè dicitur in corporalibus, quando corpus nictidum perdit suum pitorum ex contactu alterius corporis. Sic in anima sit quidam contactus, cum per amorem inordinatum aliquibus rebus inhæret. Quod quia facit contra lumen rationis, & diuinæ legis, ideo delinquit, & maculam animæ contrahit: quæ macula non est aliquid positum, sed significat priuationem quādam nitoris in ordine ad causam suam, quæ est peccatum, quod interponitur causans umbram quādam & obtenebrationem in anima. Nam umbra causata ex obiectu corporis alicuius ad speculum, non solum causat priuationem luminis in speculo, sed etiam causat in eo similitudinem corporis umbram causantis. Hinc diversa peccata diversas maculas causant in anima. Causat insuper in anima reatum penam, in quantum transgreditur ordinem diuinæ iustitiae. Nec solum facit eam ream penam aeterna secundum durationem, sed etiam penam infinita secundum quantitatē: quia duo sunt in peccato. Primum est auerio ab incomutabili bono, quod duo inesse est infinitum, & per consequens peccatum est infinitum. Cui peccato correspondet pena damni, quæ est infinita secundum quantitatē, quia est amissio boni infiniti. Secundum est, inordinata conuersio ad bonum commutabile, cui correspondet pena sensus, quæ erit infinita secundum quantitatē, sed non secundum durationem, quia correspondet durationi culpa: non ex parte actus, sed ex parte maculae, qua durante, manet reatus. Perseuerat autem macula quandiu perseverat voluntas, id est, quoque voluntas iterum conuertatur ad incommutabile bonum. Quæ voluntas in bonum de cetero mutari non potest in damnari, cum sit in malo firmata. Voluntas enim in auerione boni incommutabilis in morte perseuerans obstinata, aeternaliter punitur. Iustum est enim, secundum Gregorium, quod qui in suo aeterno peccauit, in aeterno Dei puniatur. Ex hoc enim, quod sine suum in peccato constituit, in aeternum peccandi voluntatem habuit. Cui Chrysostomus: Dic inquit, quanta tempora luxuria, quæ deliciarum spacia, comparare vis penis aeternis? Centum annos (si placet) delicijs demus, adde & alios centum, adde decies ceterum: quæ erit ex his ad aeternitatem comparatio?

*Ignorantie molum quod, de que quatuor eius species, & de septem gradibus reciduationis in peccatum.*

*Cap. III.*

P 2

*Si ignoras*